





LIBRARY

Brigham Young University


RARE BOOK COLLECTION

Vault

944.029

Or1

1561





4 2213  
**D** Kation/oder gegē  
antwort des Cardinals von Lothrin-  
gen/das angefangen Gespräch die Reli-  
gion inn Franckreych be-  
langend/2c.

Gehalten zu Poissy den sechze-  
henden Septembris/Anno  
1 5 61.

Handelberg.







**S** Roßmächtigster König-  
E. K. M. erkennen wir vor vn-  
sern allernädigsten Herrn / vnd  
vns vor deren gehorsame vnder-  
thänigste diener / verhoffens die trewe damit  
E. K. M. wir zügethan vnnnd verpflichtet ve-  
stiglich zühalten vnnnd zühandhaben / so lang  
wir auff diser Erden leben. Dann wir auch  
gnügsam wissen / das vnns solches auß Gottes  
Wort zühin gebotten ist / wie es der Haylig  
Petrus bezeuget / da er spricht: Fürchtet vnnnd  
Ehret den König. Wer dem gewalt von Got  
verordnet widerstehet / der widerstehet Gott.  
Jedoch thun wir E. K. M. vnderthänigklich  
bitten sie wöllens darvor halten / vnd aygent-  
lich glauben / das sie auch ain dienerin Gottes  
seye / vnnnd sein Kirche vnd der selbigen autho-  
rität zü beschützer vnnnd zü beschirmer von Got  
verordnet. Der haylig Ambrosius da er den  
Kayser Valentinianum den Jüngern anredt /  
spricht er also: Wann der Kayser sagt / das  
er der Kirchen Son ist / so redt er nach Gottes  
beseleh / vñ belaydiget nyemand. Disem beseleh  
Gottes ist auch fleysig nachkommen der Kay-  
ser Constantinus auß dem Concilio zü Nice/  
F ij da



Da er alle macht vnnnd gewalt den Gaiſtlichen  
übergabe/ damit ſie ire vnderthonen inn gebür  
lichen gehorſam vnnnd zwang erhalten möchten.  
Warumb ſag ich aber diß: Nach dem alle vn  
ſere Könige diſes Königreichs ſich nie etwas  
vnderwunden/ das inen nicht het wöllen ge  
büren: Ich ſage es/ allergnädigſter König/ auf  
das E. K. M. ich diſe Ehrwürdige geſellſchaft  
beſto höher vnnnd theüerer thu beſelhen/ vnnnd da  
mit zü der Hauptsachē diſer angehender hand  
lung ſchreyte/ vñ E. K. M. klärlich zünerſtehn  
gebe/ von welcher wegen ich diſe Rede füre/  
vnnnd wa ich hinaus will. Ich rede von we  
gen meiner geliebten Brüder der Eerwürdig  
ſten Ertzbischoffen vnnnd Biſchoffen ſo alhie  
verſamlet ſeind: von wegen deren geſandten  
ſo auß Ehaſſten viſachen yetzt nicht erſcheinen  
können: ich rede von wegen aller E. K. M.  
vnnnderthänigſte dienern/ welche die Hände  
ſeind auff gelegt mit der gnaden des Hayligen  
Gayſtes/ vnnnd benennet worden von den aller  
Chriſtlichſten Königen E. K. M. vorſahren/  
vnnnd durch E. K. M. ſelber Confirmiert/ von  
iren Schäflein als ire Hirten erkändt vnnnd ge  
ehret worden/ vñ vom heiligen Apoſtolischen  
ſtül eingefezt vnnnd geordnet worden. Ich Rede  
auch von wegen der Deputaten vnnnd geſandten  
der



der Gaystlichen dises E. K. M. gantzes Königreichs: von wege der Herrn Doctorn der Sorbonen zu Paris / welche ich Fernhalb nenne: vnd von wegen der Doctorn vilernambaffter Vniuersitäten / welche der Apostolischen Kirchen iren gehorsam laysten / einen einigen seligmacher erkennen / vnnnd ime dienen / durch seine onermäßliche güte / vnd begeren die gnade des Hayligen Gaystes.

Es seind ettlich / allergnädigster Herz König / so sich selber von der Kirchenabgesündert / verschinen acht tage / auß E. K. M. gnädigsten erlaubtnuß vnd verwilligung gehört worden / vnd vns ettlicher massen verhayssung gethon / sie wolten sich wider weysen / vnnnd auff den rechten wege bringen lassen. Wir aber begeren auch nicht anderst / dann das sie mit vns wider versönet / zum güten vnd richtigen wege bracht werden. Sie gaben vnns auch züuerstehn / das es jr beger were sich zü der Catholischen Kirchen widerumb zübegeben / welche / sagen sie / sey allein auß den außerwölten versamlet.

Solchen leüten mit gnügsamer vnnnd satter antwort zübegeggen / hat es vns für güt angesehen / etliche fürnembsste Puncten auß irer Proposition außzüziehen / auff welche wir züantworten bedacht.

f iij Vnd



Vnd vor erst wollen wir anzeigen was wir  
von der Catholische vnd Apostolische Kirchen  
halten.

Zum andern wollen wir sagen von 8 krafft/  
wirckung vnnnd authoritat der heyligen Sa-  
cramenten.

Die überige Puncten werden ire stadt wol  
finden / wenn wir allain diser zwayen vergli-  
chen sind.

Vor dem Concilio zu Nice vngefährlich hun-  
dert vnnnd vierzig Jar / waren etliche welche  
ainen zancß vnd streit erregten über dem / Was  
die Catholische Kirche were: vnnnd sagten / sie  
wurde allain zusamen gelesen auß den außers-  
wölten / vnnnd sunst auß kainen andern. Aber  
nach vilfaltigem Disputiren wurd solche ire  
mainung auß güten vñ wichtigen vsachen ver-  
worfen.

Vnd saget der hailig Chrysostomus / die kir-  
che seye gleich ainer scheüern / darinnen stro vñ  
auch andere güte frucht: vñ seye gleich den wey-  
sen vnnnd auch thorechten Jungfrauen / deren  
etlich jr ämpelen vol / die andern aber gar kain  
öle darinnen haben: also seyen etliche Kirchen  
diener güt / die andern böß vnd vntüchtig. wie  
solches in des verräters Jude person zusehē vñ  
welchem gesagt / Episcopatum eius accipet alter.



Es stehet auch geschriben / das inn diser Kirch  
auffrürische Leüt vnnnd falsche Propheten sein  
werden. Darumb / spricht S. Augustin / sollen  
wir aber nicht verzagen. Nō tacemus resistimus.  
Wir predigen vnnnd ermanen die so jrz gehn.

Hierauß ziehen wir eine Proposition / näm-  
lich das die Catholische Kirch nicht irren kann /  
vnnnd das man inn derselben / vor allen dingen  
Gottes wort allain stahet geben soll / welches  
ain schneidene schwert ist vnd ain schilt wider  
alle anläuff. Begeren aber ainen lebendigen  
vnd lebendmachenden Gayst darzü / vnd nicht  
den büchstaben allain. wir begeren den kern /  
vnd niht die schälzen. Dises wort ist nye ge-  
schriben gewesen bey ainiger Kirchen / bis zur  
zeyt Moyses / vnd hernach nach dem Christus  
gecreützigt / bis das es die vier hailige Secre-  
tarij in schrifft verfaßt haben.

So berühet nū die summa meines arguments  
hierauß / das man sehe wer dises wort am best-  
en verstehen vnd auslegen könne. Uns wissen  
wir / vñ ist in der warhayt also / wie man sagt /  
so manch haupt / so manche fin : so vil menschen  
/ so vilerlay verstand vnd auslegung : vnnnd  
ist doch kainer d nicht irren könne : vñ denen so  
sich am wenigsten düncken / ist es erwan zūm  
ersten vñ besten zūnerstehen mitgethaylt.



Ist es aber auch billich dz man denen so von  
nen selber one vsach von vnns abgewichen/  
vnd sich von der Kirchen abgesündert/ehe ge-  
statten soll/das wort auflegen dann vnns? Es  
dunct mich gar nicht. Man frage nun wem  
es zustehe vnd gebüre/so antworten wir/ Der  
Catholische Kirchen.

Darauff will ich füssen/darbey bleyben/vnd  
verthedigen das das wort gnügsam erkläret  
sey durch die Leerer/durch die Martyrer/ vnd  
die versamlungen der Concilien/welche alles  
samt dahin geschlossen haben/das die Kirche  
one die gnade Gottes nicht sein kan: welches  
gewaltigklich dargethon/vnnd bewisen wor-  
den/da man der Arianer vnnd des Pauli Sa-  
mosateni opinion widerlegt hat

Nun laßt vns auch etwas von andern Pun-  
cten sehen die heilige Sacramenta belangend.

Es ist die vorwitz inn diser Kirchen gar zu  
groß gewesen/vnd zuvil langwirige vnnd sub-  
tile disputationes erregt worden/durch welche  
man gemaynklich die warhait verleuret/

Die krafft vnd der nutz dises heiligen Sacra-  
ments steht inn vier stücken.

Erstlich inn dem/ das wir dardurch allzusa-  
men ein Leib werden/vnnd vnns mit vnserm  
nechsten versöhen.

Zum



Zum andern/das wir Jesu Christo dadurch  
einuerleibt werden.

Zum dritten / das wir vergebung vnsere  
sünden erlangen / vnd letztlich in der hoffnung  
die wir haben zum ewigen leben / erhalten wer  
den. Auff disen Artickel findt man achterlay  
auslegungen ganz vnd gar einander züwider.  
Aber der verstand vnnnd die maynung die wir  
haben / ist die rechte / von welcher man nicht  
weychen soll. Nach dem die wort/durch den  
Mund Gottes gesprochen / hälle vñ klare wort  
seind / vnnnd künden anderst nicht verstanden  
oder ausgelegt werden / dann wie sie lauten/  
Hoc est corpus meum, Das ist mein Leib / das ist  
mein Blüt / inn welchen Worten alle Euangeli  
sten über einstymen : vnd beuorab Lucas / der  
letz vnder jnen / welcher bestättiget was züvor  
von den andern beschriben vñ bezeuget wordē/  
vnd sagt also : Sihe da mein blüt / das für euch  
gegeben wirt. Wem sollen wir nu steysfer glau  
ben / dann diser heiligen maynung vñ den woz  
ten von Gott also ausgesprochen / dieweil die  
zeugknus so wir darvon haben / ein Histori / ein  
Testament / ein Gebott / vnnnd Sacrament ist.  
Ein Histori warhafftiglich beschriben durch  
dise vier grosse Secretarios Gottes. Ein Te  
stament durch den Todt des testatoris bekrefftig  
et/  
G



get/ in welchem nicht züermüthen/ das er in de  
worten solches seines letzten willens vñ einsatz  
ung dessen so er seinen lieben kindern vnd erben  
vermacht/ dunckle wort hette brauchen wölle/  
durch welche die brüder vnd miterber/ über der  
auflegung züm zank vnd hader verursacht/ in  
rechtfertigung gegē einand erwachsen möchtē.

Als gebott ist es/ welches vns durch deut  
liche wort gegeben ist.

Vnd was könnte clarer vnd heller sein/ denn  
ain sacrament/ welches inhellte vñd begreiffte  
das zaychen dessen so da bezaichnet wird. Nun  
will man die auflegung sūchen/ so doch der  
verstand deutlich vñd clare ist. Wer soll aber  
über disen streyt der rechte richter können sein/  
wa es nicht vnser mütter die haylige kirch ist.  
Wir haben protestirt vñd bezeuget/ das wir  
von dem vnseren nichts beybringen wollen/  
wollen nichts newes fürbringen: sondern bley  
ben bey deren lehrer mainung/ die vor fünffze  
henhundert jaren/ da die Kirche inn höchsten  
wurden stund/ gelebt haben. Sollten wir aber  
die annehmen/ die innerhalb den letzten fünff  
hundert jaren gelebt haben/ das were nicht bil  
lich. Sollten wir denn die für güt achten/ wel  
che die ande fünff hundert jar züvoren gelebt ha  
ben/ das wurde vnser gegenthayl vns nicht ge  
statten



statten/darumb dz man sagt/es hab von 83eyß  
S. Gregorij an/ vil veränderungen/ vil müß-  
bräuch vñ entpöungen in der Kirchen gehabt.

So laßt vns nun die letzten taussent jar auff  
ain ort setzen/ vñnd die ersten fünffhundert für  
die hand nehmen/ in welchen der haylig Hie-  
ronymus/ Cyprianus/ Hilarius/ Ambrosius/  
Augustinus (welches vnser gegenthayl sich  
fleissig gebrauchet) Gregorius vñnd andere  
mehr gelebt haben. Laßt vns deren güten ehre-  
lichen leüt maynung annehmen/ vñd bey dem  
bleyben was sie daruon gehalten haben. So  
wird man nicht befinden/ das sie andere auf-  
legung begeren geñ die jenige die wir haben. &  
*in hoc omnes conueniunt.*

Es dunckt vnser gegenthayl seltsam/ das  
wir vns diser wort gebrauchten/ Corporaliter,  
Naturaliter, Substantialiter. So merck nun wie  
wir sie verstehen. Wir sind nicht so grobes ver-  
stands/ das wir dise wort so rohe vñ grob ver-  
stehen wie sie lauten. wir wissen wol/dz es ain  
übernaturlich vñd suber substantialis ding ist/ vñ  
das der war leyb nicht räumlich da ist/ als in  
loco, vñd geben in disen dingen zübegreifen als  
lem dem glauben stat: Jedoch so befinden wir  
aine wesentliche gegenwertigkayt. So man  
vns nun fraget warumb? antworten wir das

G ij rumb/



rumb/ das Gottes wort da ist/ Hoc est corpus  
meum. Vnd dabey wollen wir bleiben vnd ver  
harren.

Noch ist ain argument züerwegen/ so vom  
gegenthayl vorbracht wird. Sie sagen/ Jesus  
Christus sey hinauff gefaren gen himmel/ vnd  
sey nicht mehr hieniden auff erden. Ich Glaub  
das diß Argument nye auff kaynem Concilio  
seye vorkommen/ es seye auch gehalten wo es  
wölle. Dann wir achtens darfür/ das die we  
sentliche gegenwertigkayt im Sacrament ge  
schehe durch ain übernatürlich werck Gottes:  
gleich wie wir Glauben das die Dreyfaltigkait  
inn ainer Person ist/ das die Gotthayt mit der  
Menschayt verbunden vnd verainiget ist:  
das Jesus Christus entpfangen ist inn Jung  
frauenlichem leyb durch vnbegreyfliche vnd  
onermäßliche güte Gottes.

Im landt zü Saren ist ain namhaffte grosse  
person/ wiewol die vnserer religion züwider/  
yedoch sagt sie/ das alle die so die Sacramenta  
inn zweyfel setzen/ anderstwo hin nicht gedenc  
ken/ den König/ Fürsten vnd Herren ires ge  
walts vnd irer macht züberauben.

Diß sind die vsach/ allergnädigster König/  
Darumb wir von meinen mitbrüdern/ denn  
Eh: würdigsten/ &c. ist aufferlagt E. K. M.  
züerma-



zuermanen/ das sie inn der religion verharlich  
bleiben/ die nun so lange zeyt hero von den al-  
ler Christlichsten Königen E. K. M. hochlöb-  
lichsten gedächtnuß vorsehren erhalten vnn  
verthädiget ist worden. E. K. M. wölle mit  
samt den iren auch inn disem glauben vnn in  
dem Wort Gottes auffwachssen / welcher  
Gott E. K. M. zu ainem regierende König  
gemacht hat.

Allergnädigste Frauwe Königin/ es wölle  
E. K. M. sich gegen derē geliebte sone erzaygē  
gleich wie ain andere Clotilde. Dises ist dz theu-  
re pfand/ welches E. K. M. von dem König  
hochlöblichster gedächtnuß / welcher E. K.  
M. so hertzlich lyeb hette/ verlassen ist/ welches  
inn so hohem werdt vnd mit yedermans wol-  
gefallen bis anhero erzogen ist. Wollen auch  
nicht gestatten/ das ire Mayestat anderer re-  
ligion anhängig seye / den deren welche yeder-  
zeyt vor haylig vnd gut von allen deren vorse-  
hren gehalten worden. Wir ermanen/ allergnā-  
digste Königin/ alle Fürsten vnd Herrn/ so der  
Königlichen Mayestat sind zugeordnet/ als  
nämlich den König von Navarraen/ vnn irer  
lieben Brüder/ das sie E. K. M. hierinnen  
treuwe hülff vnd beystand wöllen laisten. Wir  
ermanen alle ire verwandten vnd zügethonen/  
G in auch



auch die des Khats: vñnd in summa/ alle be-  
nante/ das sie keine andere religion annem-  
men: auff das allergnädigster König der all-  
mächtig Gott E.K.M. in allem irem  
thun beystehe/ vñd sie regieren  
mög ewiglich.

END E.

Getruckt zu Handelberg/durch Lud-  
wig Lück/im jar nach Christi geburt/  
M. D. LXXI.















